


Induvinedda n°4
Niveddu GS
A corsa



Cappuccinedda Rossa è i trè purchetti t'ani a paura di fassi manghjà pà Luponi.

Di colpu, approntani mezi di trasportu pà scappà. I purchetti volini ognunu un triciclu è Cappuccinedda Rossa vò una vittura incù i pedali.

Quantu devini avè roti pà fabbricà i so mezi di trasportu?



U maestru materializeghja a situazioni cù parsunaghji. S'appronta una pruvista di "roti".

Pà sqadra di 4 sculari, presenta a situazioni eppo aghjusta: "Vi docu quattru parsunaghji pà aiutà vi è una matalza di tonduli pà fà i roti. Quandu avareti trovu u numaru di roti chì ci vò, vinareti à cumandà mi li muscendu mi incù i vosci diti quantu ni vuleti".

U maestru metti à disposizioni pezzi chì poni riprisintà i roti pà u travagliu di ricerca. Ci vò chè u numaru di pezzi fussi più impurtanti chè u numari di roti nicissarii.


In ogni squadra, u maestru ùn aspetta micca u contu glubali di roti. Ciò chì hè aspittatu, ghjè di aghjustà sottu conti pà fà u contu glubali: una mani pò riprisintà un mezu di trasportu è i ziteddi si metteni pà quattru pà prisintà u risultatu finali; un ziteddu pò apra i so diti unu à unu pà ogni sottu cullizioni è ghjè cumplittatu pà un antru ziteddu... L'idea hè chè i ziteddi ghjunghjissini incù i so diti dicendu: "ni vulemu tantu!" è dopu ch' eddi verifichezzini incù u so materiali.

Pà a capiscitura di a cunsigna o a verificazioni di a suluzioni appughjà si, s'è ci n'hè bisognu, à nantu à i fotò di i sfarenti mezi di trasportu.





Induvinedda n°4
Niveddu GS
A corsa - currizzioni



Suluzioni:

Pà i 3 purchetti:

Purchettu 1: 3roti

Purchettu 2: 3 roti

Purchettu 3: 3roti

Pà Cappuccinedda Rossa: 4 roti

Numaru tutali di roti: 13